

*Pagdaog
labaw sa
Kamatayon*

(Ilonggo Version)

R. B. THIEME, JR.

With permission of R. B. Thieme, Jr., Bible Ministries,
this publication is distributed in the Philippines
by Grace Logos Support Philippines, Inc.,
without charge or obligation.

For more information text or call:

(Ginhatag pinaagi sa GLSP nga wala sing bayad ukon obligasyon.

Para sa dugang pa nga kasayuran mag-text ukon magtawag sa:)

email: jersal1978@yahoo.com (Visayan)

Smart: 0920-218-3668 (Visayan)

email: naconasg@yahoo.com (Ilonggo)

Smart: 0970-034-3191 (Ilonggo)

The electronic version of this book can be read or downloaded
through the Internet address <https://www.gracelsp.ph>.

*(Ang sa electronic nga porma sang sini nga libro mahimong mabasa ukon ma-download
pinaagi sa internet address nga <https://www.gracelsp.ph>.)*

PAGDAOG LABAW SA KAMATAYON

KATAWHAYAN SA TION SANG KASUBO

R. B. THIEME, JR.



R. B. THIEME, JR., BIBLE MINISTRIES
HOUSTON, TEXAS

Ini amo ang gin-edit nga sinulat sang isa sa sermon nga gintudlo sadtong 3 sang Pebrero 1991 ni Pastor R. B. Thieme, Jr., Berachah Church, Houston, Texas. Ang bibliyanhong mga doktrina nga ginpresenta sa sini nga sinulat naaman na sa R. B. Thieme, Jr., Bible Ministries.

Unang ginbantala subong *Victory over Death*

© 1991 ni R. B. Thieme, Jr.

Ang tanan nga mga katungud ginreserba.

Ikatatlong impresyon 2023

Ini nga libro gin-andam pag-imprenta halin sa mga panudlo kag wala nabantala nga mga sinulat nga mensahe ni R. B. Thieme, Jr.

Ang Katalogo sang Pagtolon-an nga mga Pagtoon sa Bibliya (sa English) igasangkap sa tion nga pangayoon, magpahibalo sa:

R. B. Thieme, Jr., Bible Ministries

P. O. Box 460829, Houston, Texas 77056-8829

www.rbthieme.org

Wala sang bahin sining bantalaan nga basi ginpahimo liwat ukon ginpadala sa bisan ano man nga porma ukon sa bisan ano man nga pamaagi, elektronika ukon minakina, lakip ang potograpiya, rekording, ukon bisan ano man nga mga pahibalo nahanungud sa pagtipig kag pamaagi sang pagkuha kag pagpadala, sang wala pagtugot paagi sa sulat halin sa tagbantala.

Gin-imprenta sa Tagbilaran City, Bohol, Philippines, 2025

Ginbadbad kag gin-andam sa pagpaimprenta ni

Gloria Estanda Naconas

Ginrepaso nila Alma Avila Cachopero

kag Dante Mallorca Canja

Gin-imprenta nga may pagtugot sang

R. B. Thieme, Jr., Bible Ministries.

Pagdaog labaw sa Kamatayon

SA PAGPREPARAR PARA SA ATON PAGTOON sang Pulong sang Dios, amo ang malip-ot nga tion sing mahipos nga pagpangamuyo.

Ginakabig namon ini nga isa ka pribilehiyo, Langitnong Amay, nga may kahalwayan kag oportunidad sing pagpakig-upod sa Pulong. Mapasalamaton kami nga nagapangalagad kami sa Imo subong isa ka tinugyanang pungsod, kag ginakilala namon ang responsibilidad sang mga tumuluo sa sulud

sang isa ka tinugyanang pungsod. Gani nagtililipon kami agud magtoon sing Pulong sang Dios, agud magtubo pinaagi sa grasya kag pinaagi sa ihibalo nahanungud sa aton Ginoo kag Manluluwas, nga si Jesu-Kristo. Nahinumduman namon yadtong ara sa serbisyo nga mga lalaki kag mga babayi nga halin sa sini nga kongregasyon nga sa karon nagapangserbisyo na sa militar. Mapasalamaton kami tungud sang pagkamatuud nga preparado sila sa sulud sang ila mga kalag nga tumanon ang ila responsibilidad sang serbisyo militar. Nagapangayo kami sing proteksyon para sa ila kag sing oportunidad nga makapanaksi sila para kay Jesu-Kristo dira sa ila mga kahitaboan. Samtang nagatoon kami sang Pulong sang Dios, nagapangamuyo kami nga

ang Dios Balaan Espiritu magahangkat sa amon. Kay ginapangayo namon ini sa ngalan ni Kristo. Amen.

Sadtong 1990, ang R. B. Thieme, Jr., Bible Ministries nagbantala sang *Isa ka Butang nahanungud sang Kinabuhi kag Kamatayon*, ang manubo nga balasahon nahanungud sa ebanghelyo nga nakadiseno para sa mga ditumuluo. Ining manubo nga balasahon may tumalagsahon kaayong sabat sa Gulf War kag nakabati kita sing madamong maayo kaayo nga mga saysay sa mabaskog nga impluwensya sini.

Sang indi pa madugay, didto ako sa duug sang Los Angeles para sa isa ka komperensya, kag ang *Los Angeles Times* (29 Enero 1991, pahina H-2) may laragway sang isa ka sundalo nga nagabasa sang libro didto sa tangke de gira kag natumba sa kilid sini. Ang titulo sa idalum mabasa

nga, “Army Pfc. Robert McCann sang Butte, Montana, nagahingagaw sa iya ginabasa samtang siya nagapurupahuway didto sa sulud sang tiyan sang M-1A1 nga tangke de gira nga nabaliskad samtang ginakarga ini sa treyler. Ang libro, nga gintitulohan *Isa ka Butang nahanungud sa Kinabuhi kag Kamatayon*, ginhatag sa iya, sang manugwali.”

May pila ka ginatos nga pamatan-ong mga lalaki kag mga babayi sa sini nga kongregasyon nga ara sa sarisaring mga serbisyo militar nga nagpangalagad sa Operation Desert Storm. Isa sa sining pamatan-ong mga lalaki ang nagtugyan sang iya kinabuhi para sa iya pungsod kag karon nagaatubang sa Ginoo. Ang iya pagkadula mangin isa ka pahinumdom sang isa ka importanteng palatukuran nahanungud sang lawasnong kamatayon.

ANG DOKTRINA NAHANUNGUD SA LAWASNONG KAMATAYON

*Mga Kategoriya sang mga Pagpili kag
sang Mapilian sa Kinabuhi*

Pagpili #1. Ang unang pagpili sa kinabuhi amo ang magtoo kay Jesu-Kristo para sa walay katapusang kaluwasan. Sang ang aton Ginoong Jesu-Kristo ginlansang didto sa krus, ginhukman Siya tungud sang mga sala sang kalibutan. Ang kada sala nga nahimo sa kasaysayan sang katawhan ginpabangud sa Iya didto sa krus kag ginhukman.

Ang Dios nagapakita sang Iya gugma sa aton, nga samtang mga makasasala pa kita, si Kristo napatay subong isa ka halili para sa aton. (Mga Taga-Roma 5:8)

Ang Dios naghigugma gid sang kalibutan sa bagay nga ginhatag Niya ang Iya Anak, ang natawo nga pinasahi, agud nga ang bisan sin-o nga magtoo sa Iya indi na gid mawala, kondi may kinabuhi nga walay katapusan. (Juan 3:16)

Ini nga pagpili amo ang magtoo kay Jesu-Kristo para sa walay katapusang kaluwasan. Ang bisan sin-o makaangkon sang kinabuhi nga walay katapusan sa mismong tion sang pagtoo kay Kristo pinaagi sa simpleng pagtoo sa Iya. Ang ilustrasyon sang pagtoo ginhatag dira sa Juan 1:12.

Apang sa tanan nga nagbaton sa Iya [nagabaton kay Kristo kag sang Iya pagluwas nga

trabaho subong isa ka dulot],
ginhatagan Niya sila sang
gahum sa pagka-mangin anak
sang Dios, bisan sa yadtong
nagtoo sa Iya ngalan. (Juan
1:12)

Ini nga pagtoo amo ang pagbaton sang isa
ka dulot. Ang pagtoo indi isa ka sistema
sang paghalad ukon sang bisan anong
porma sang pagpanaad sa parte sang
kada isa. Ang pagtoo amo ang pagbaton
sang dulot—ang dulot nga indi naton
mapangabudlayan kag indi kita mangin-
dapat.

Ang mapilian nga magtoo kay Kristo
para sa walay katapusang kaluwasan amo
ang walay katapusang paghukum. Ang
Juan 3:36 kag 3:18 nagasiling:

Ang nagatoo sa Anak may ki-
nabuhi nga walay katapusan;

apang ang wala nagatoo indi makakita sang kinabuhi, kondi ang kasingkal sang Dios nagapabilin sa iya. (Juan 3:36)

Ang nagatoo sa Anak indi paghukman; apang ang wala nagatoo nahukman na, tungud kay wala siya nagtoo sa pinasahi nga Anak sang Dios. (Juan 3:18)

Ang unang kategorya sang mga pagpili kag sang mga mapilian amo ang walay katapusang kaluwasan ukon walay katapusang paghukum. Ang pagpili amo ang: Magtoo kay Kristo para sa kinabuhi nga walay katapusan. Ang mapilian: Isikway si Kristo kag mag-antos sang walay katapusang silot.

Pagpili #2. Ang ikaduhang pagpili sa

kinabuhi para sa tumuluo amo ang pagtuman sang plano sang Dios pinaagi sa pagtoon, pagpaminsar, kag pag-aplikar sing doktrina sang Bibliya. Ini nga pagpili nagakinahanglan sang adlaw-adlaw nga mga desisyon agud himoon ang doktrina sang Bibliya nga numero unong ulunahon sa kinabuhi.

Ang mapilian sa pagtuman sing plano sang Dios amo ang kinabuhi sang kalisdanan para sa tumuluo. Ining kaugalingong-sugyot nga kalisdanan amo ang may kaangtanan sa pagkamabinatyagon kag mga kakomplikado sang pagkamataastason nga mga sala kag nakilala pinaagi sa pagkamakinaugalingon, pagkalibog, pagkawalay kalig-on, kag sang kapas-lawan. Ang resulta amo ang bisan diin sa sining Kristohanong moral ukon dimoral nga pagkaus-us, ukon ang pagbaylobaylo sa tunga sang duha.

Ining ikaduhang kategorya sang mga

pagpili kag mga mapilian may kaangtanan sa Kristohanong pamaagi sang pagkinabuhi. Ang pagpili nga: Tumanon ang plano, pagbuut, kag katuyoan sang Dios para sa imo kinabuhi kag magpakig-ambit sa kalipay sang Dios. Ang mapilian: Isikway ang plano sang Dios kag magkinabuhi sang miserable nga kinabuhi.

Pagpili #3. Ang ikatatlong pagpili may kaangtanan sa kamatayon. Ang pagpili nga mapatay sing matawhay mahimong possible tungud kay ang Dios ang nagadesisyon sang tinion, sang pamaagi, kag sang duug sang aton kamatayon, subong sang ginpahayag ni Apostol Pablo.

Kay para sa akon, ang pagkinabuhi amo si Kristo, kag ang pagkapatay amo ang ganansya. (Mga Taga-Filipos 1:21)

Ang mapilian nga mapatay sing matawhay sa idalum sang pinakadako nga divine nga disiplina sa idalum sang palatukuran sang pagpakasala tubtub sa kamatayon nasambit sa 1 Juan 5:16.

May sala nga nagatuytuy sa kamatayon; wala ako naga-siling nga dapat siya magpa-ngabay tungud sini. (1 Juan 5:16b)

Sa bisan diin sini nga kahimtangan, bisan kon ang tumuluo isa ka daugan (ang isa nga nagatuman sang plano sang Dios) ukon piyerdihan (ang isa nga wala nakatuman sang Iya plano), ang kamatayon sang tumuluo pirmi gid pagdaog sang Dios.

Ang Kamatayon Amo ang Pagdaog sang Dios

Ang kamatayon sang kada tumuluo ni Jesu-Kristo amo ang labaw nga kamentoang desisyon sang Dios. Sa bug-os naton nga kinabuhi nagahimo kita sang madamo nga mga desisyon. Ang iban maayo nga mga desisyon halin sa kahimtangan sang kabakod, kag ang iban pa malain nga mga desisyon halin sa kahimtangan sang kaluyahon. Apang bisan pa sina, kon ini tinion na para sa tumuluo nga mapatay, ang kamatayon sang daugan ukon piyerdihan pirmi gid desisyon sang Dios. Bilang isa ka piyerdihan wala nagakahulugan sang pagkadula sang kaluwasan, kondi ang pagkadula sang espesyal nga mga pakamaayo sa sini nga tinion kag sa bug-os nga eternidad. Sa bisan diin man sini nga kahimtangan, ang kamatayon pagdaog sang Dios para

sa daugan ukon sang piyerdihan sa Kristohanong pagkinabuhi. Ang Unang Mga Taga-Corinto 15:55 nagapamangkutanon:

“O kamatayon, diin bala ang imo sudlot? O lulubngan, diin bala ang imo pagdaog?” (1 Mga Taga-Corinto 15:55)

Ang sabat ginhatag sa bersikulo 57:

Salamat gid sa Dios, nga nagahatag sa aton sang pagdaog pinaagi sa aton Ginoong Jesu-Kristo. (1 Mga Taga-Corinto 15:57)

Ang daugan, ukon ang tumuluo nga nagatuman sing plano sang Dios, may labing dalayawon nga kinabuhi diri sa kalibutan, kag pinakamataas nga paka-maayo subong man sa pagkamatay. Dira

sa Mga Taga-Filipos 1:20–21, si Apostol Pablo nagasiling,

Suno sa akon hanuut nga pagpaabot kag paglaum, nga indi ako mahuy-an sa bisan anong butang [nga amo ang, bisan anong butang sa kinabuhi ukon sa kamatayon], kondi sa bug-os nga kaisog, bisan pa karon, subong man sa gihapon si Kristo pagabayawon sa akon lawas, bisan kon pinaagi sa kinabuhi ukon bisan pinaagi sa kamatayon. Kay para sa akon, ang pagkinabuhi amo si Kristo [pagkanalikupan sang persona ni Kristo], kag ang pagkapatay amo ang ganansya. (Mga Taga-Filipos 1:20–21)

Ano bala ang kahulugan sang sini nga mga bersikulo? Sa ano bala nga pamaagi ang pagkapatay mangin ganansya? Kon ang pagkinabuhi amo ang pagkana-likupan sang persona ni Kristo, ang pagkapatay amo ang pagkawala sa lawas kag mag-atubang sa Ginoo (2 Mga Taga-Corinto 5:8), niyan ang pagkapatay mahimo lamang nga mangin mas labing maganansyahon pa gid kay sa pagkinabuhi.

Sa bahin sing pagkinabuhi sa plano sang Dios, ang pagpatalupangud amo ang sa kabubut-on sang tumuluo didto sa sabat para sa doktrina sang Bibliya kag sa kinabuhi sa idalum sa palisiya sang grasya sang Dios. Sa pagkapatay nga bahin sa plano sang Dios, ang pagpatalupangud amo ang sa pagkalabaw nga kamandoan sang Dios kag sa palisiya sang grasya. Gani, ang Dios ang nagadesisyon sang tinion sang kamatayon sang tumuluo. Ini

Iya desisyon. Ang Dios nagadesisyon sang pamaagi sang kamatayon sang tumuluo. Ina, man, Iya desisyon. Ang Dios nagadesisyon sang duug sang kamatayon sang tumuluo. Ina, sa amo man, Iya desisyon. Gani, ang kamatayon pagdaog sang Dios.

Salamat gid sa Dios, nga nagahatag sa aton sang pagdaog pinaagi sa aton Ginoong Jesu-Kristo. (1 Mga Taga-Corinto 15:57)

Sang nabatian ni Job ang kamatayon sang iya mga anak, siya nagsiling,

“Ang GINOO ang naghatag [kinabuhi sang kalag pakadto sa kinabuhi sa lawas sa tion sang lawasnong pagkabun-ag], ang GINOO nagakuha

[ang Ginoo nagapahamulag sang kalag sa kinabuhi sa lawas sa tion sang lawasnong kamatayon], [Kag dason ano bala ang nanging konklusyon ni Job?] Pakamaayohon gid ang ngalan sang GINOO.” (Job 1:21*b*)

Kag ang konklusyon sang Salmo 116:15:

Bililhon sa itololok sang GINOO
amo ang kamatayon sang Iya
mga balaan. (Salmo 116:15)

Ang “mga balaan” nagakahulugan sang tanang mga tumuluo—mga daugan ukon mga piyerdihan. Gani, sa kamatayon:

Ang Dios magapahid sang tanang mga luha sa ila mga mata, kag wala na gid sang

kamatayon; wala na gid sang pagpangasubo, ukon paghibi, ukon kasakit; kag ang daan nga mga butang nagtaliwan na. (Bugna 21:4)

Pinaagi sa sining ikaduhang konsepto sang kamatayon subong pagdaog sang Dios, masuma naton ang anum ka mga palatukuran sang pagdaog sang Dios labaw sa kamatayon.

PALATUKURAN #1. Ang kamatayon sang tumuluo desisyon sang Dios. Gani, ang lawasnong kamatayon sang tumuluo pagdaog sang Dios.

PALATUKURAN #2. Ang divine nga desisyon nahanungud sa kamatayon sang tumuluo nagalakip sang tinion, sang pamaagi, kag sang duug sang kamatayon. Gani, wala gid sing makapahalin sa tumu-

luo sa sini nga kinabuhi tubtub magdesisyon ang Dios.

PALATUKURAN #3. Sanglit nga ang Dios perpekto, ang Iya panyempo perpekto sa tanang mga kahitaboan sang kinabuhi kag sa kamatayon sang tumuluo.

PALATUKURAN #4. Sanglit nga ang kamatayon sang tumuluo amo ang mangin-alamon kag magrasyahong desisyon sang Dios, walay bisan isa nga may katungud sa pagduhaduha sa perpektong kinaalam sang Dios sa bisan anong butang.

PALATUKURAN #5. Indi man ang makasaysayan ukon natural nga katalagman, indi man ang pag-ilinaway ukon terorismo, ang puwede makapahalín luwas sa divine nga pagtugot.

PALATUKURAN #6. Gani, kita nga nabilin

walay katungud sa pagduhaduha sa ki-naalam, sa katarungan, sa grasya, ukon sa panyempo sang Dios sa kamatayon sang isa ka hinigugma.

Ang Walay Labot sa Grasya para sa Tagumatayon

Ang walay labot sa lawasnong kamatayon sang tumuluo amo ang pagkabanhaw, nga gintawag sa teyolohiya ang Pagsabnit sang Simbahan.

Ang Ginoo Mismo ang magapanaog halin sa langit nga may singgit, nga may tingog sang arkanghel, kag may trumpeta sang Dios; kag ang napatay kay Kristo una nga mabanhaw. Dason kita nga mga buhi kag nabilin pa-

gasabniton sing tingub upod sa ila sa mga kapanganuran agud magsugata sa Ginoo sa kahanginan, kag gani mangin kaupod sang Ginoo sa walay katubtuban. (1 Mga Taga-Tesalonica 4:16–17)

Ang Pagsabnit sang Simbahan malapit na lang gid. Walay tagna nga matuman sa wala pa nagakatabo ang Pagsabnit. Walay bisan isa nga makahibalo sang tinion sang Pagsabnit, nga puwede matabo karon nga adlaw, buwas, ukon sa bisan anong tinion sa malapit ukon malayo pa nga palaabuton. Apang bisan pa sina, ining isa ka henerasyon sang mga tumuluo indi na makaeksperyensya sang lawasnong kamatayon kondi magabaton sang ila nabanhaw nga mga lawas luwas sa pagkapatay.

Ang Paglarawan sang Kamatayon para sa Tumuluo

Ang paglarawan sang lawasnong kamatayon nagalakip sang walo ka mga kinabatasan para sa tumuluo ni Jesu-Kristo.

KINABATASAN #1. Tungud kay ang kamatayon pagdaog sang Dios, nadula sang lulubngan ang sudlot sini.

“O kamatayon, diin bala ang imo sudlot? O lulubngan diin bala ang imo pagdaog?” (1 Mga Taga-Corinto 15:55)

Salamat gid sa Dios, nga nagahatag sa aton sang pagdaog pinaagi sa aton Ginoong Jesu-Kristo. (1 Mga Taga-Corinto 15:57)

KINABATASAN #2. Ang kamatayon naga-kahulugan sang walay nominasyon sa paghukum.

Sanglit nga ini gintalana sa tawo nga mapatay sa makaisa, apang sa tapos sini nga kamatayon amo ang paghukum; gani si Kristo ginhilad sa makaisa agud magkuha sang mga sala sang madamo, kag magpakita Siya sa ikaduha nga tinion, indi sa pagdala sang mga sala, kondi agud magpalingkawas sa yadtong nagahulat sa Iya. (Mga Hebreo 9:27–28)

May nominasyon sa tapos ang kamatayon para sa paghukum para sa ditumuluo. Apang ina nga nominasyon ginkansela sa kahimtangan sang tumuluo sa kay Ginoong Jesu-Kristo.

Gani, walay paghukum, sa yadtong mga ara sa kay Kristo Jesus. (Mga Taga-Roma 8:1)

KINABATASAN #3. Kay para sa tumuluo ni Jesu-Kristo, ang kamatayon nagakahulugan sang dakong pakamaayo didto sa langit sa wala pa ang pagkabanhaw ukon ang Pagsabnit nagakatabo. Dira sa 2 Mga Taga-Corinto 5:8, kita ginsiling nga,

Mawala sa lawas apang magatubang sa Ginoo. (2 Mga Taga-Corinto 5:8b)

Ang pangtumod nga panghambal “magatubang sa Ginoo” nagapakahulugan sang temporaryong lawas samtang nagahulat para sa pagkabanhaw. Gintipon kita kau-pod sa mga hinigugma nga aton makilala sa tapos magbiya sa sini nga kinabuhi. Ang

lawasnong kamatayon ginlaragway man subong ang pagkawala sang mga trahedya kag mga katalagman sa kinabuhi.

Ang Dios magapahid sang tanang mga luha sa ila mga mata; kag wala na gid sing bisan ano pa nga kamatayon; wala na gid sing bisan ano pa nga pagpangasubo, ukon paghibi, ukon kasakit; kay ang daan nga mga butang nagtaliwan na. (Bugna 21:4)

KINABATASAN #4. Ang lawasnong kamatayon para sa tumuluo nagakahulugan sang bag-o nga panimalay didto sa langit. Si Jesus nagsiling dira sa Juan 14.

“Indi magkatublag ang inyo mga tagiposoon; magtoo sa Dios, magtoo man sa Akon.

Sa balay sang akon Amay may madamong mga mansyon; kon wala man gani, makasugid bala Ako sa inyo. Magkadto ako agud magpreparar sang duug para sa inyo. Kag kon Ako magkadto agud magpreparar sang duug para sa inyo, magabalik Ako, kag batonon kamo sa Akon kaugalingon; agud nga kon diin Ako, didto man kamo.” (Juan 14:1–3)

Si maduhaduhaon nga Tomas nagsiling,

“Ginoo, wala kami nakahibalo kon diin ka makadto; kag kon paano bala ang pagkahibalo namon sang dalan?” Kag si Jesus nagsiling sa iya, “Ako amo ang dalan, ang

kamatuuran, kag ang kina-
buhi: walay bisan isa nga
nagaabot sa Amay, kondi
paagi sa Akon.” (Juan 14:5–6)

Ang lawasnong kamatayon nagakahulu-
gan sang pag-angkon sang isa ka ka-
tingalahang bag-o nga panimalay. Bisan
kon ano man ang imo panimalay diri,
makaangkon ka sang mansyon didto sa
langit.

KINABATASAN #5. Ang lawasnong kama-
tayon para sa tumuluo ni Jesu-Kristo
nagakahulugan sang paghulat didto sa
langit para sa aton walay katapusang
panublion.

Pakamaayohon ang Dios
nga sa pagkamatuud ang
Amay sang aton Ginoong
Jesu-Kristo, nga suno sa Iya

dakong kalooy naghimo sa aton nga matawo liwat sa isa ka buhing paglaum pinaagi sa pagkabanhaw ni Jesu-Kristo halin sa kamatayon, pakadto sa panublion nga dimadinulunton kag walay dagta kag sa sina indi mawala, nakatigana didto sa langit para sa imo, nga ginatipigan sang gahum sang Dios pinaagi sa pagtoo nga sa kaluwasan handa nga ipahayag sa katapusang tinion. (1 Pedro 1:3–5)

Nagahulat kita sa perpektong kalipay sa tapos ang kamatayon para sa aton panublion.

KINABATASAN #6. Para Sa tumuluo ni Jesu-Kristo, ang lawasnong kamatayon

amo ang kompletong pagkatuman sang kinabuhi nga walay katapusan. Dira sa Juan 10:28, ang aton Ginoo nagsiling sa yadtong nagatoo sa Iya.

“Nagahatag Ako sa Ila sang kinabuhi nga walay katapusan; indi na gid sila mawala, walay bisan sin-o nga makaagaw sa Ila sa Akon kamut.” (Juan 10:28)

KINABATASAN #7. Ang kamatayon nagakahugan nga ang tumuluo nagahulat didto sa langit para sa pagkabanhaw. Ang aton Ginoo naghambal kay Marta didto sa lulubngan ni Lazaro:

Si Jesus nagsiling sa Iya, “Ako ang pagkabanhaw kag ang kinabuhi; ang nagatoo sa Akon magakinabuhi bisan

siya mapatay, kag ang bisan sin-o nga nagakinabuhi sa Akon indi na gid mapatay.”
(Juan 11:25–26a)

KINABATASAN #8. Ang kamatayon wala nagapahamulag sang tumuluo sa Dios.

Kay nakombensi ako nga indi bisan pa ang kamatayon ukon ang kinabuhi, ukon mga anghel, ukon mga pu-noan, ukon mga butang sa karon, ukon mga butang nga palaabuton, ukon mga gahum, ukon ang kataasan, ukon kadadalman, ukon ang bisan anong iban pa nga tinuga, ang makapahamulag sa aton sa gugma sang Dios, nga amo si Kristo Jesus nga aton Ginoo.
(Mga Taga-Roma 8:38–39)

Kita mga . . . mawala sa lawas
apang magaatubang sa Ginoo.
(2 Mga Taga-Corinto 5:8b)

Kag sa liwat ang Bugna 21:4:

Ang Dios magapahid sang
tanang mga luha sa ila mga
mata; kag wala na gid sing
bisan anong kamatayon; wa-
la na gid sing bisan anong
pagpangasubo; ukon paghibi,
ukon kasakit; kay ang daan
nga mga butang nagtaliwan
na. (Bugna 21:4)

Pag-aplikar sang mga Palatukuran para sa Buhi

May anum ka mga palatukuran nga
maaplikar para sa buhi, sa yadtong mga
nabilin.

PALATUKURAN #1. Ang kamatayon sang isa ka hinigugma ukon pinalangga nga abyan wala nagapauntat sang kasaysayan. Ang kinabuhi kinahanglan magpadayon para sa buhi.

PALATUKURAN #2. Indi naton mapauntat ang normal nga pagkinabuhi tungud kay ang aton mga hinigugma napatay kag didto na sa langit.

PALATUKURAN #3. Kinahanglan hinumdumon naton nga yadtong mga ginahigugma naton nga nauna sa aton didto sa langit may mas labing dalagko pa gid nga pakamaayo kag kalipay didto sa langit kay sa aton mahibal-an bisan kasan-o ukon maeksperyensyahan sa sini nga kinabuhi.

PALATUKURAN #4. Gani, indi maglain ang aton buut sa iban nga daw sa

nagakinasadya samtang kita nagapangalisud kag nagapangasubo tungud sang nawala nga mga hinigugma.

PALATUKURAN #5. Indi kita makamando sa aton mga abyan nga mag-untat sila sa pagkinabuhi kag mag-upod sa aton sa padayon nga pagpangalisud kag pagpangasubo.

PALATUKURAN #6. Ang mga abyan magapahayag sang kalooy kag simpatiya didto sa paglubong ukon sa lulubngan. Apang bisan pa sina, sa paglabay sang tinion, daw sa wala na sing nagakabalaka, kag daw wala na sing makahinumdom.

Ayhan mamangkot ka: Maangayon bala ini? Ang sabat: Huo. Ngaa bala maangayon ini? Tungud kay ang imo katawhayan sa sini nga tinion sang pagpangasubo kag kasulub-on nagakinahanglan halin sa

Ginoo. Ini nagakahulugan nga ang matuud nga ginhalinan sang imo katawhayan amo ang doktrina sang Bibliya.

Tungud kay direkta ka nga nalabot sa kamatayon sang hinigugma, ang imo pagpangasubo kag kasulub-on puwede magpadayon sa bug-os mo nga kinabuhi. Apang ginakinahanglan mo buy-an ang imo mga abyan agud magpadayon sa pagkinabuhi. Ang imo katawhayan kag konsolasyon ginakinahanglan halin sa doktrina sang Bibliya. Hinumduma, sa kamatayon ang imo mga hinigugma nakasulud sa isa ka duug nga mas, mas labing dako pa gid nga kalipay kag pakamaayo kay sa imo maeksperyensyahan sa sini nga kalibutan.

Upod sa imo kasulub-on magadala ka man sang kahamot sang mga handumanan. Upod sa sina nga kahamot indi na gid malain ang imo buut sa kalipay kag sa kaladlawon sang yadtong

nagapadayon sang pagkinabuhi. Ikaw, man, nagakinahanglan magpadayon sa pagkinabuhi, nagakahulugan nga ang imo pagpangasubo isa ka pribadong butang sa tunga mo kag sa Ginoo. Ang imo kami-ngaw tungud sang pagpangasubo kag kasulub-on kinaugalingon nga imo lamang; ang imo kahamot sang handumanan kinaugalingon nga imo lamang; ang imo katawhayan halin sa doktrina sang Bibliya sa sulud sang imo kalag kinaugalingon nga imo lamang; ang imo kasigurohan kag kalinong nga ang imo mga hinigugma ara na didto sa langit kinaugalingong imo lamang.

Ano bala ang wala sa imo amo ang aligutgot, pagdumot, kaakig, kalain sang buut sa iban—sa yadtong mga daw sa wala nagakabalaka ukon sa yadtong wala nalabot sa kamatayon sang imo mga hinigugma. Wala mo ginapadunggan ang aton Ginoong Jesu-Kristo ukon

ang napatay sa kay Kristo kon ikaw mangin dinormal sa imo pagpangasubo, ukon nagapadayon sang imo kasulub-on tubtub sa punto sang mga pagkagamo sang pangisip. Ang doktrina sang Bibliya sa sulud sang imo kalag nagahatag sa imo sang espirituhanong gahum agud magpadayon. Ang doktrina sang Bibliya sa sulud sang imo kalag nagahatag sa imo sang espirituhanong gahum kag palanan-awon agud magkasadya nga ang imo mga hinigugma ara na sa presensya sang Ginoo, kag didto ikaw magaupod sa ila sa palaabuton nga mga adlaw. Amo ina kon ngaa ang 1 Mga Taga-Tesalonica 4:13 nagasiling,

Apang indi namon luyag nga mangin wala kamo sing ihibalo, mga kauuturan, nahanungud sa yadtong nagakatulog [diri sini ang natulog

amo ang pagpaanggid sa Kristohanong kamatayon nga may pagpatalupangud sa pagbugtaw sa nabanhaw nga lawas], agud nga indi kamo magkasubo, subong sang ginahimo sang iban nga walay paglaum. (1 Mga Taga-Tesalonica 4:13)

Ang “iban nga walay paglaum” nagatumod sa mga ditumuluo. Walay sapayan sang kabangdanan sang kamatayon, walay sapayan sang terrible nga pagkakibot kag trahedya, ang kamatayon pirmi gid desisyon sang Dios.

Pag-aplikar sang mga Palatukuran nga may Kaangtanan sa Dios

Samtang ang tumuluo may kontrol

sa iya kinabuhi sa pagtuman sang plano sang Dios, wala siya sing kontrol sa tinion, sa pamaagi, ukon sa duug sang iya kamatayon. Gani, may pito ka pag-aplikar sang mga palatukuran nga may kaangtanan sa Dios.

PALATUKURAN #1. Ang kamatayon sang tumuluo amo ang isa ka butang sang pagkalabaw nga kamandoan, pagkama-tinud-anon, kag kinaalam sang Dios, Gani, ang kamatayon bug-os nga wala gid sa aton mga kamut.

PALATUKURAN #2. Ang Dios perpekto, gani, ang Iya kinaalam perpekto.

PALATUKURAN #3. Ang Dios nakahibalo sang tanan; nakahibalo Siya sang tanang mga kahitaboan sa kada kamatayon sang tumuluo. Sang nagligad nga mga binilyon ka tuig sadtong nagligad nga eternidad

ang pagkahibalo sa tanan sang Dios nakahibalo na sang tanang mga pagkamatuid sa kada kahimtangan kag, gani, ang Dios nagapili sang perpektong tinion, sang tama nga tinion—indi man gid sobra ka dayondayon, kag indi man gid sobra ka dugay.

PALATUKURAN #4. Ang Dios walay katapusang perpekto; gani, ang Iya tanang labaw nga kamandoang mga desisyon perpekto. Amo ini kon ngaa sa panghitabo sang aton pagkatagumatayon ang pagkalabaw nga kamandoan sang Dios nagabulos sa aton kabubut-on.

PALATUKURAN #5. Ang tanang mga desisyon halin sa pagkalabaw nga kamandoan sang Dios nahimong perpektong kinaalam, nga nagalakip sang Iya mga desisyon sa tinion, pamaagi, kag duug sang kamatayon para sa kada tumuluo ni Jesu-Kristo.

PALATUKURAN #6. Ang kamatayon sang kada tumuluo ni Jesu-Kristo pirmi gid nahanungud sa grasya kag sa kinaalam sang Dios. Gani, ang kamatayon sang tumuluo amo ang pagdaog sang Dios, bisan pa kon ina nga tumuluo nangin isa ka daugan ukon isa ka piyerdihan sa Kristohanong eksperyensya.

PALATUKURAN #7. Sanglit nga ang Dios walay pagbaylo, kag may walay katapusan nga kinaugalingong gugma para sa kada tumuluo, imposible gid para sa Dios nga maghimo sang bisan anong butang nga wala nagauyon sa Iya gugma para sa aton. Gani, ang kamatayon sang tumuluo amo ang pagpahayag sang perpektong gugma sang Dios para sa kada isa sa aton, bisan kon sa bisan anong pamaagi kita napatay—ang pamaagi sang kamatayon, ang tinion sang kamatayon, ukon ang bisan anong iban pa nga kabangdnan.

Ang Dios perpekto; Siya walay pagbaylo; Siya may kinaugalingong gugma para sa kada tumuluo. Ang Iya gugma indigid maapektuhan sang aton mga kapaslawan ukon mga kadalag-an sa aton espirituhanong pagkinabuhi. Imposible gid para sa Dios nga maghimo sang bisan anong butang nga wala nagauyon sa Iya gugma para sa aton.

Ang kamatayon sang tumuluo amo ang pagpahayag sang gugma sang Dios para sa kada isa sa aton. Amo ina ang kinatapusang pag-aplikar dira sa kamatayon sang bisan sin-o nga aton ginahigugma kag sa aton kamatayon kon nagadesisyon na ang Dios.

“F” PARA KAY FREDDIE

Si Charles Frederick McIntosh nangingin akon unang Kristohanong abyan sa tapos ako nangingin isa ka tumuluo kag isa sa

akon pinakasuud nga mga abyan sa kinabuhi. Ang solong tinion nga nahamulang kami sa kada isa amo sang nagkadto siya sa UCLA kag ako nagkadto sa Unibersidad sang Arizona, apang nagkitaay kami sa kada isa sa panahon sang tagilinit. Tagbantay ako sa nagalinangoy didto sa Isla sang Catalina kag siya nagtrabaho sa lapit lang, gani pirmi kami nagkitaay sa kada isa.

Siya nangin makadalayaw gid nga tumuluo. Ang iya espirituhanong dulot amo ang pastor-manunudlo. Wala gid ako nakabati sa bisan kay sin-o nga nagpaambit sang impormasyon sa su-bong ka tumalagsahong pamaagi. Mada-mo gid kaayo nga katawhan ang magalingkod kag magpamati sa kada tinion nga siya nagahatag sang pamatuud ukon naghatag sang mensahe nahanungud sa doktrina sang Bibliya. Nangin tumalagsahon gid kaayo.

Sang ang Pangkalibutang Gira II nag-abot ara na ko sa serbisyo subong isa ka opisyal sa halos isa ka tuig. Si Freddie bag-o lang naggradwar sa UCLA kag nagpadayon sa pag-upod sa Air Force sa diin siya nangin kadete sa pagpalupad sang eroplano. Sa tapos sang iya paggradwar si “F” para sa Freddie ginpadala sa Europe. Sa iya pagpakadto, si Freddie naghapit sa istasyon sa diin ako naganpanirbisyo nga sa amo man nga tinion magpaalam. Isa sa ulihing mga butang nga akon ginsiling sa iya amo ang, “Freddie, magabalik ka nga may pinakadakong koleksyon sang mga ilustrasyon sa bisan kasan-o para sa imo makadalayaw nga buluhaton sang pagpangalagad diri sa imo pungsod pagkatapos sang gira.”

Kon sa bagay, si Freddie wala na nakabalik. Ang iya ika-beynte-singko ka misyon nangin iya ulihing misyon. Nahinumduman ko ang mga sulat nga gin-

sulat ni Freddie, indi nahanungud sang iya pagkabagani, bisan pa nga ginpasidunggan gid siya sing husto, kondi nahanungud sadtong mga lalaki nga iya ginserbihan. Nangabay siya sa akon nga pangamuyoan ang mga sakup sang iya tripulante. Siya ang piloto sang B-17 nga may napulo ka tripulante. Nahinumduman ko sang si Freddie nagsulat sang isa ka sulat nga nagasugid sa akon sang isa nga nagbaton kay Kristo. Sa akon mahunahunaan ang iya taglayag amo ang una, dason ang tagpamomba, dason ang tagpangmasinggan nga nakapwesto sa ikog sang eroplano, kag sunudsunud na. Ang iya kinaulihian nga sulat nag-abot sa akon sang bag-o lang gid siya nakahalin para sa iya ika-beynte singko ka misyon, nagapamatuud nga ang kada tawo nga tripulante sa iya eroplano nangin tumuluo ni Jesu-Kristo.

Sa sinang ika-beynte singko ka misyon

sa Berlin, ang sa tuo nga bahin sang mga makina naigo sang bala halin sa eroplano sang kaaway. Nagub-an sang mga makina si Freddie, kag manomano nga ginakap-tan niya ang B-17 sa posisyon agud nga ang iya mga tripulante makalukso. Sang naghatag siya sang sugo nga maglukso, ang taglayag namangkot, “maupod ka bala sa amon”? Kag si Freddie nagsabat, akon himoon kon mahimo ko.” Ang taglayag nga amo ang ulihi nga naglukso nagtangla. Sa tapos magbuklad ang iya parakayda nagtangla siya liwat kag nakita si “F” para sa Freddie, nga amo ang nabilin sa eroplano, kag dason gulpi nga may dako kaayo nga paglupok. Si Charles Frederick McIntoch nagkadto na sa eternidad.

Sang nabaton ko ang pulong sang kamatayon ni Freddie nakibot ako. Siya ang isa ka tawo nga kuntani may isa ka pinakadako nga mga buluhaton sing pagpangalagad pagkatapos sang gira nga

nahibal-an ko sang sa kay bisan sin-o. Apang nakita na sang Ginoo nga nagakaigo na ina nga okasyon para papulion si Freddie.

Wala ako sang sini nga impormasyon nga ara sa inyo karon nga panahon kag, gani, may pila ako ka mabudlay nga mga tinion sa iya kamatayon. Sa sulud sang malawig nga tinion pagkatapos sadto, labi na kon ara ko sa pangatungdanan sa Air Force sa mga, gab-i na gid kaayo nagagowa ako kag maglantaw sang pila ka mga eroplano nga nagaabot. Nga nagahinumdom kay Fred, nagasaludo ako sa iya, dason maghalin ako. Ginhimo ko ina sa sulud sang madamo, madamong mga tinuig. Ang paghinumdom nangin masubo para sa akon tungud kay wala gid sang nagsugid sa akon kon ano ang may ara ako karon nga panahon.

Sa indi madugay ukon sa madugay pa ang iban sa inyo magaatubang sini nga

palaligban. May impormasyon na kamo karon kag ang iban pa nagadepende na ini sa inyo. Walay makahalili para sa inyo adlaw-adlaw nga pag-inoing sang doktrina sang Bibliya. Kag pinaagi sa pag-aplikar sang sina nga doktrina, dapat mahangpan ninyo kon ngaa ang Ginoo nagapapauli sang isa ka tawo agud mag-upod sa Iya Mismo.

Sa pagduko sang aton mga ulo kag sa aton nagpiyong nga mga mata, ginahalad naton ang panghingapos sang sini nga mensahe sa kay bisan sin-o nga ari diri nga wala kay Kristo, walay paglaum, kag walay kinabuhi nga walay katapusan. Luyag namon nga mahibal-an ninyo nga si Jesu-Kristo kinaugalingon nga naghuhuna sa inyo sang Siya nagpalansang sa krus, kag ang kada sala nga imo nahimo sang bisan

kasan-o—sa nagligad, karon, kag sa palaabuton—ginpabangud na sa Iya kag ginhukman agud nga makaangkon kamo sang kinabuhi nga walay katapusan. Makaangkon kamo sang kinabuhi nga walay katapusan pinaagi sa nangin-didapat nga pamaagi sanglit nga ang trabaho nahanungud sa kaluwasan ginkompleto na didto sa krus, sang ang aton Ginoo nagsiling, “Natapos na!” Ang kaluwasan nakompleto na didto sa krus nga may resulta nga ini nakaaman na para sa kada sakup sang katawhan.

Ang bisan sin-o nga nagatoo sa Iya indi na gid mawala, kondi may kinabuhi nga walay katapusan. (Juan 3:16b)

Makaangkon ka sang kinabuhi nga

walay katapusan karon mismo. Amo ina ang pagpili nga bukas sa imo sa karon nga adlaw. May pagkapribado ka sa sulud sang imo kalag. Ang pagkapribado nagakahulugan sang kahilwayan. Ang kahilwayan nagakahulugan nga makapahayag ka sang imo mga pagpili sa sini nga tion. Paano?

Magtoo kay Ginoong Jesu-Kristo kag maluwas ka. (Mga Binuhatan 16:31a)

Ang bisan sin-o nga nagatoo sa Iya indi na gid mawala kondi may kinabuhi nga walay katapusan. (Juan 3:16b)

Kay tungud sa grasya naluwas kamo pinaagi sa pagtoo; kag ina indi tungud sa inyo mga kaugalingon, amo ini ang

dulot sang Dios; indi nahanungud sang mga trabaho, basi ang bisan sin-o nga tawo magpabugal. (Mga Taga-Efeso 2:8–9)

Karon mismo makaangkon ka sang kinabuhi nga walay katapusan. Dira sa pagkapribado sang imo kalag, nga nagaporma sang mga panghambal sa paminsaron lamang, sa mahipos, puwede mo masugiran ang Dios nga Amay nga nagatoo ka kay Kristo, kag ina amo ang tion sang kinabuhi nga walay katapusan para sa imo.

Ang nagatoo sa Anak [Jesu-Kristo] may kinabuhi nga walay katapusan; apang ang wala nagatoo indi makakita sang kinabuhi, kondi ang kasingkal

*sang Dios nagapabilin sa iya.
(Juan 3:36)*

Amo ini ang imo ginpili karon.

Mapasalamaton kami, Langit-nong Amay, tungud sang pribilehiyo kag sang oportunidad sing pagpakig-upod sa Pulong. Kabay pa nga ang Balaan Espiritu maghimo sini nga mga konsepto nga makahuluganon kon magaatubang kami sang isa sa dalagkong mga kasulub-on sa kinabuhi dira sa kamatayon sang isa ka tawo nga amon ginahigugma kag ginapalangga. Hangkata man kami nga magtubo pinaagi sa grasya, agud makaangkon sang kabakod agud nga masarangan namon ini nga mga butang sa pamaagi nga magahimaya sa Imo. Nagapasalamat kami

*sa Imo para sa sining pribilehiyo
sang pagtoon sa sini nga mga
butang sing ululupod. Hangkata
kami pinaagi sa ila sa ngalan sang
Hari sang mga hari kag Ginoo sang
mga ginoo, sa pagkamatuum kay
Jesu-Kristo nga amon Manluluwas.
Amen.*

PALAKAT SA PANANALAPI

Wala sang bayad para sa bisan anong materyal halin sa R. B. Thieme, Jr., Bible Ministries. Ang bisan sin-o nga nagahandum sang pagpanudlo sa Bibliya makabaton sang amon mga bantalaan kag sang mga narekord sa audio kag video nga wala sing obligasyon. Ang Dios nagasangkap sing doktrina sang Bibliya. Kami nagahandum nga ipakita ang Iya grasya.

Ang R. B. Thieme, Jr., Bible Ministries isa ka grasya nga buluhaton sing pagpangalagad kag intero nga nagapanghikot sa boluntaryo nga mga amot. Kon ang pagkamapasalamaton para sa Pulong sang Dios ang nagaengganyo sa tumuluo agud maghatag, siya may pribilehiyo sang pag-amot para sa pagpalapnag sing doktrina sang Bibliya.

SA PAGTOLON-AN NGA MGA PAGTOON SA BIBLIYA

Doktrina sang Bibliya, ang kabilogan sang pagpanudlo nga ginkuha halin sa literal nga pagpakahulugan sang Balaan nga mga Kasulatan, amo ang talaksan para sa espirituhanong kamatuuran. Ang pagtoon sa Bibliya nagasangkap sang espirituhanong nutrisyon para sa Kristohanon (Mateo 4:4).

Ang importansya sing doktrina sang Bibliya indi puwede pasobrahan sing pagpatalupangud (Salmo 138:2). Ang Dios nagasugo sang Kristohanon nga magbaylo sa sulud (Mga Taga-Roma 12:2). Ini nga pagbaylo nagakinahanglan sang kada adlaw nga pagbag-o sang hunahuna pinaagi sa pagtoon kag pag-aplikar sang Pulong sang Dios (2 Mga Taga-Corinto 4:16; Mga Taga-Efeso 4:23).

Sa madamong mga tinuig ang sa pagtolon-ang mga klase sa Bibliya nga gintudlo ni R. B. Thieme, Jr., nakasangkap sang espirituhanong pagkaon para sa iya kongregasyon. Ang mga bantalaan kag mga ginrekord sa audio kag video sang iya mga pagpanudlo nahanda na sa wala sing bayad ukon obligasyon. Para sa pag-order kag sa impormasyon, palihog sulat ukon tawag sa Ministries ukon magbisita sa website. Ang *Katalogo sang sa Pagtolon-an nga mga Pagtoon sa Bibliya* (sa English) igasangkap sa tion nga pangayoon.

R. B. THIEME, JR., BIBLE MINISTRIES
P.O. Box 460829
HOUSTON, TEXAS 77056-8829
www.rbthieme.org
713-621-3740

NAHANUNGUD SA TAGSULAT

ROBERT B. THIEME, JR. (1918-2009), nagpabilin nga makahuluganong tingog sang pagka-Kristohanon sa bug-os nga kalibutan. Ang iya mapisanon kag mahimulaton, maathag nga pagpanudlo nakabase sa kinaunahan nga mga panghambal sang Balaan nga Kasulatan sa kapawa sang makasaysayang konteksto sa diin ang Bibliya ginsulat. Ang iya makabag-o nga mga sistema sang bokabularyo, mga paglaragway, kag bibliyanhon nga mga kategorya klaro nga nagapahibalo sang wala nagakasayup nga mga kamatuuran sang Pulong sang Dios. Si Thieme may narekord sang sobra sa onse ka libro ka oras sang mga wali kag nagbantala sang sobra sa isa ka gatos ka mga libro nga nagalakip sang madamo nga mga bersikulo sang Bibliya.

Si Thieme naggradwar sa Unibersidad sang Arizona (Phi Beta Kappa) kag Dallas Theological Seminary (summa cum laude). Ang iya mga pagtoon sa seminaryo nauntat tungud sang katungdanan sa serbisyo militar sang Ikaduha nga Gira sa Bilog nga Kalibutan sa panahon nga diin ginpataas siya sa ranggo sang lieutenant colonel sa United States Army Air Corps. Pagkatapos makompleto ang iya buluhaton sa paggradwar sang 1950, nanging pastor siya sang Berachah Church sa Houston, Texas. Ang iya masangkad kaayo nga kahanasan sa Griyego, Hebreo, teyolohiya, istorya, kag pagpangusisa sang teksto nagsangkap sang pundasyon para sa iya mahangkaton kaayo nga propesyonal nga kinabuhi sang pagtoon kag pagtudlo sang Pulong sang Dios. Si Thieme nagretiro subong pastor sang Berachah Church pagkatapos sang singkwentay tres ka tuig sang matutum nga pagpangalagad.

